

Vuk'uzenzele

**JOBS
INSIDE:**

Produced by Government Communications (GCIS)

English/Tshivenda

| Khubvumedzi 2018 Khandiso 1

Free Copy

Let's tour Mzansi



100 Nelson Mandela
Centenary
2018
Be the legacy



@VukuzenzeleNews

ALSO AVAILABLE ON:



Vuk'uzenzele

Websites: www.gcis.gov.za

www.vukuzenzele.gov.za

E-mail: vukuzenzele@gcis.gov.za

Tel: (+27) 12 473 0353



Zwapo ndi 'zwavhuqi' kha vhaeni vha seli ha lwanzhe.

Vho Dale Hes

Vhadzulapo vha dorobo thukhu vha masipala wa George ngei Kapa Vhukovhela vha do neshedza vhaendelamashango vha bvaho seli ha lwanzhe vhusiku vhune vha do vhu elelwa nga kha vhurangeli ha "Dine with Locals".

Vhurangeli ndi tshipida tsha u pembelela Nwedzi wa Vhuendelamashango he masipala a nanga zwigwada zwa rathi doroboni thukhu dza Thembaletu na Pacaltsdorp u vha nemuta wa vhaendelamashango vha bvaho seli ha lwanzhe vhane vha do neshedzwa vhumvumvusi na zwiwiwa zwo fhelelaho.

Kha ndugiselo dza u vha nemuta, zwigwada zwo dzhenela zwipida zwa vhu-gudisi zwi elanaho na zwa vhuendelamashango na zwa



Vhaeni vha khou diphina nga tshilalelo tsha u thetshela hune Tshigwada tsha Explore our Hood tsha vha nemuta ngei Thembaletu sa tshipida tsha vhurangeli ha "Dine with Locals".

u neshedza zwiwiwa.

Vho funzwa vhukoni vhu elanaho na zwa u thoma na u tshimbidza vhubindudzi havho, zwi na tshipikwa tsha u vha muvhuelwa o bvelelaho kha ndowetshumo ya vhuendelamashango.

Vho Nomzamo Entile (31) vhane vha vha tshipida tsha zwigwada zwa rathi, vha ranga phanda tshigwada tsha Explore our Hood, ngei Thembaletu. Vho Entile vho thoma Explore our Hood vha tshi itela u alusa muya wa

vhuthihi ngei George.

"Ro wana uri hu na u fhandekana vhukati ha zwi-tshavha zwo fhambanaho zwa George. Ri tama uri vhathu vha de doroboni thukhu u ri vha vhone uri ri na mvelele yo khwaṭhaho ya tshiXhosa na uri vha de vha tou tshe-nzhema nga vhone vhane, vho ralo Vho Entile.

Ro livha kha Nwedzi wa Vhuendelamashango, tshigwada tsho no fhedza ndingo mbili nga ndila kwao, vha tshi khou vha nemuta wa miraḏo

i dalaho ya ndowetshumo ya vhuendelamashango.

"Ri pfa ro dilugisela nahone ri na dakalo fulu u vha nemuta wa vhaendelamashango vha seli ha lwanzhe. Ri na fulufhelo uri he-zwi zwi do vula mavothi kha riṇe roṭhe uri ri wane tshe-nzhemo kha ndowetshumo ya vhuendelamashango, na uri zwi do sumbedzavho uri dorobo thukhu dza Afrika Tshipembe dzi na zwinzhi zwine dza nga neshedza kha vhaendelamashango vhapo na vha seli ha lwanzhe," vho ralo Vho Entile.

Mulanguli wa Vhuendelamashango wa George Vho Joan Shaw vho ṭalutshedza uri mbekanyamushumo i do ṭana mvelele dzo fhambanaho.

"Mbekanyamushumo yashu ya "Dine with Locals" i imela lushaka lwa musengavhadzi-mu, i si na tshenzhemo dza

zwa mvelele dzo fhambanaho dzi si fhasi ha ṭhanu dzi neshedzwaho, dzine dza vha Xhosa, Venda, Khoi, Cape Malay na tshenzhemo ya zwiwiwa zwa lwanzheni zwapo zwa Snoek na Patat, " vho ralo Vho Shaw.

"Dorobo thukhu dza Afrika Tshipembe dzi na zwinzhi zwine dza nga neshedza kha vhaendelamashango vhapo na vha bvaho nnda."

Nga murahu ha masiku a zwiwalelo, zwigwada zwi do vha mabindu o fhelelaho a neshedzaho tshumelo kha Vhuendelamashango ha George, vhune nga murahu ha do vhambadza na u vhaledza tshenzhemo dzine dza vha hone. **V**

Magabelo a u enda a bvisa vhana zwiṭaraṭani.

MUSI VHANZHI vha tshi khou diphina nga zwa u enda nga magabelo sa mutambo, liṇwe dzangano ngei KwaZulu-Natal lo zwi ita uri u vhe mutambo wa vhumvumvusi ha vhaswa.

Vho Vuyo Ndlovu

Usuvha nṭha ha maḓi a u tou vha mutambo fhedzi kana tshithu tsha u ḓimvumvusa kha vhaswa vhane vha dzula tshivhindini tsha dorobo ya Durban ngei KwaZulu-Natal, fhedzi zwi dovha zwa vha u tinya u ita zwiito zwo bvaho.

"Surfers Not Street Children" ndi dzangano liṇe la neshedza ngudo dza mutambo wa u enda nga magabelo nga fhedzi kha vhana vha dzulaho zwiṭaraṭani na vhaswa vho thudzelwaho thungo vha wanalaho vhukati ha dorobo.

Dzangano li tou vha phindulo thwii ya u lwisana na zwa u shaya mahaya ha vha-na na u vhone uri vhaswa vha ite zwiṇwe zwithu zwavhuqi nga matshilo avho.

Masipala wa eThekweni zwenezwino wo tikedza dzangano ili nga u lambedza mabodo a fumi a mutambo wa u enda nga magabelo.

Mabodo o itwa hu na ndivho ya mveledziso na-



Vhaṇwe vha vhatambi vha u enda nga magabelo vha bvaho kha "Surfers Not Street Children" na "KZN Surfing Club" vhe vha ṭanganedza mabodo a mutambo wa u enda nga magabelo. Mabodo a do shumiswa kha zwa mveledziso.

hone o itwa nga bontshi liṇe la thusa vhatambi vha u enda nga magabelo vhane vha kha ḓi tou guda uri vha dzule vho papamala.

Mulanguli wa Muhasho wa mveledziso ya vhumvumvusi na mitambo kha masipala Vho Teddi Adams vho ri mabodo a do thusa kha vha re na dzangalelo la u guda mutambo wa u enda nga magabelo.

"Ndambedzo ndi tshipida tsha nzudzanyo ya masipala tsha u bveledza mitambo na

u vhone uri vhaswa vhoṭhe, zwi sa yi nga murafho na maimo, vha a kona u swike-la zwishumiswa zwine zwa do vha thusa u bvelela kha khoudu dza mitambo dze vha ḓinangela."

Langelihle Nkosi (16) ane a vha mutambi wa u enda nga magabelo o livhuwa masipala kha ndambedzo.

"Ndi ḓifhelwa nga u ḓa kha ngudo dza mutambo wa u enda nga magabelo nga uri dza a nthusa uri ndi dzule ndo linganela nahone ndi ḓi-

fhelwa nga u namela magabelo." Nkosi o ṭuṭuwedza vhaṇwe vha re na dzangalelo la u guda mutambo wa u enda nga magabelo uri vha de vha dzhenene nahone vha gude zwinzhi nga ha mutambo wa u enda nga magabelo.

Sandile Mqadi mugudisi wa zwa mutambo wa u enda nga magabelo wa "Surfers Not Street Children Club", o amba uri dzangano lo sedza kha u funza vhana vhukoni sa ndila ya u vha bvisa zwiṭaraṭani.

"Ri ḓisa tshumelo kha vha-na vho dzulaho zwiṭaraṭani na kha avho vha bvaho kha tshitshavha tshe kale tsha vha tsho thudzelwa thungo. Tshumelo dzashu ndi mahala nahone vhaswa vha u bva kha vhukale ha miṇwaha miṭanu u swika 23 vho ṭanganedzwa".

O ḓadzisa nga uri mabodo o lambedzwaho nga masipala a do thusa ndingedzo dzavho nahone vhana vhanzhi vha do kona u vha tshipida tsha mbekanyamushumo.

"Surfers Not Street Children Club" i neshedza ngudo dza mutambo wa u enda nga magabelo u bva Musumbuluwo u swika Lavhuṭanu nga 08h30 ya dovha hafhu nga 13h30. Vhathu vhane vha tama u dzhenela vha nga ḓiṇwalisa kha "Surfers Not Street Children" ngei North Beach.

Masipala wo dovha hafhu wa lambedza maṇwe mabodo a fumi a mutambo wa u enda nga magabelo kha "KwaZulu-Natal Surfing Federation". **V**

Vha Mutakalo vha Limpopo vha vhea u mamisa kha vhuñwe vhuimo ha ntha

MUSI SHANGO I tshi khou pembelela miñwaha ya dana ya Mma Vho Albertina Sisulu, Muhasho wa Mutakalo wa Limpopo wo ira lufhera lwa u mamisela dzina lavho hu tshi itelwa u vhuedza vhomme.



■ MEC wa Mutakalo wa Limpopo Dokotela Vho Phophi Ramathuba vho tangwa nga vhomme vha khou mamisaho vhe vha da hu tshi rwelwa țari.

Vho Kanego Lewele na Vho More Matshediso

U mamisa ndi zwa ndeme kha mveledziso ya mutakalo wa ñwana na pfushi kha vhushie, fhedzi vhomme vhanzhi vha wana zwi tshi vha kondela u isa phanda na maitele aya musu vha tshi vhuya u bva mađuvhani a u dzedzefhala.

Hezwi zwi itwa ngauri a huna fhethu havhuđi

mishumoni minzhi ha uri vhadzadze vha kone u hamulela mikando kana u mamisa vhana vhavho nga tshifhinga tsha mushumo, vha swika hune vha kulea nungo u isa phanda na u mamisa ngauri vha fhedza tshifhinga tshinzhi vha mushumoni vha si na vha-na vhavho.

Kha ndingedzo ya u amba nga ha khaedu iyi, Muhasho wa Mutakalo wa Limpopo wo rwela țari lufhera lwa

u tou thoma lwa u hamulela mikando na u mamisa ngomu ofisini dzavho.

Lufhera lwa u mamisela lwo rwelwa țari nga MEC Dokotela Vho Phophi Ramathuba.

Lwo irwa dzina la Mma Vho Albertina Sisulu vhane miñwaha yavho ya dana na yone ya khou pembelelwa ñanwaha.

Hu na fulufhelo la uri lufhera ulwo a lu nga tou tikedza vhomme vha mami-

saho vhane vha shuma fhe-dzi, hu dovha hafhu ha țuțu-wedzwa miñwe mihasho u tikedza vhomme vha mami-saho vha re mushumoni.

Vhashumi muhashoni vha a kona u ita uri vhaleli vha ñise vhana vhavho mushumoni nga tshifhinga tsha tshiswițulo uri vha mamisewe. Lufhera lu do shumiswa nga vhomme vhane vha țoda u hamulela mikando nga tshifhinga tsha mushumo.

Muñwe wa vhashumi vha Muhasho Vho Mpho Kutumela, mme wa mafhața a miñwedzi ya 11, mutukana na musidzana, vho takalela tshishumiswa itsho.

“Lufhera lwa u mamisela lu do ri shumela sa vhomme ngauri lu do ri ñetshedza-vho tshikhala tsha u hamulela mikando yashu ro vho-fholowa fhethu havhuđi”, vho ralo.

Vhomme vhane vha dalela muhasho vha na vhana vhavho vho ñela zwiñwevho vha do tendelwavho u shumisa lufhera u mamisa vhana vhavho.

MEC Vho Ramathuba vho amba uri lufhera lwa u

mamisela lwa Albertina Sisulu ndi luñwe lwa lushaka lwalwo lu lwoğhe kha vundu.

Vho MEC vha fulufhela uri vhurangeli uvhu vhu do thusedza kha nyaluso na tsiredzo ya maitele kwao a u mamisa hu na ndivho ya u swikela mveledziso ya mutakalo wa ñwana ya khwi-ñesa.

“Mafhi a kha damu a na pfushi dzoğhe dzine dza țodiwa nga vhushie nahone a dzi koni u bveledzwa nga u tou itwa, vho ralo Vho MEC. ■

Mbuelo dza u mamisa

- Mikando i na zwithivhelamalwadze zwine zwa thusa ñwana wavho u lwa na bakitheria na zwithzili.
- U mamisa zwi fhungudza tshutshedzo ya u wana dziajedzhi kha ñwana wavho.
- Vhana vhane vha mamiswa mikando nga ñgila kwayo kha miñwedzi ya rathi ya u thoma vha tsiredzea zwinzhi kha phirelo ya malwadze, malwadze a kufemele, na u dzulela u tshuluwa.

New health centre for Port Nolloth

Jauhara Khan

The seaside town of Port Nolloth in the Northern Cape will soon benefit from a full-service community health centre project which promises to enhance access to quality healthcare.

The project is being implemented by the Independent Development Trust (IDT) on behalf of the Northern Cape provincial Department of Health at a cost of about R150 million and is expected to open soon.

Once completed, the building will comprise all primary health facilities including a trauma unit, radiology, dis-

pensary, psychiatric ward, maternity wards and paediatric wards. Consultation rooms will be used for reproductive health services, a psychologist, dietician and other services once constructed.

Work on site also encompasses the construction of facilities for support services including administration and waiting areas, ambulance quarters and parking bays, overnight accommodation for paediatric mothers, a mortuary, kitchen and dining area, stores and maintenance area.

Port Nolloth, located along the Atlantic Ocean, is one of the most remote areas of South Africa with a population of just over 6 000. It is served by

a small government clinic that offers a community-oriented primary health care programme that monitors and works towards the improved health and well-being of families in that area.

The progress on the project is currently at 70 percent. The contractor has been busy with installation of roofing in some of the buildings as well as internal plastering, painting and external work like paving, lighting and parking areas.

The project has created decent job opportunities. A majority of these jobs were reserved for the local community and a lot of the work on site, such as glass fittings and



■ Construction on a new community health centre in Port Nolloth in the Northern Cape is almost complete. The facility will soon offer the small town greater access to healthcare services.

cladding at the reception and waiting areas, were performed by local sub-contractors.

The IDT is an entity of the National Department of Public

Works and supports all spheres of government with social infrastructure management and programme implementation. ■